



CONCELLO DE  
CAMBRE  
R.E.L. 01150177

## **ACTA DA SESIÓN ORDINARIA DA XUNTA DE GOBERNO LOCAL REALIZADA O DÍA 5 DE MARZO DE 2025**

### **PRESIDENTA:**

D<sup>a</sup> María Dolores Pan Lesta

### **ASISTENTES:**

D. Daniel Mallo Castro  
D. Ramón Boga Moscoso  
D<sup>a</sup> María Yolanda Díaz Baldomir  
D. Óscar Tomas Barrientos Morales  
D. Raúl Varela Fraguío  
D. Manuel Castro Uzal

### **NON ASISTE:**

D. Juan González Leirós

### **INTERVENTORA MUNICIPAL:**

D<sup>a</sup> Lucía Mata Rodríguez

### **SECRETARIA XERAL:**

D<sup>a</sup> Pilar María Pastor Novo

No despacho de Alcaldía do Concello de Cambre (A Coruña), sendo as nove horas do día cinco de marzo do ano dous mil vinte e cinco, reúnese a Xunta de Goberno Local, en primeira convocatoria, co obxecto de celebrar sesión ordinaria baixo a Presidencia da Sra. alcaldesa, D<sup>a</sup>. María Dolores Pan Lesta, e coa asistencia dos/as Sres./as concelleiros/as D. Daniel Mallo Castro, D. Ramón Boga Moscoso, D<sup>a</sup> María Yolanda Díaz Baldomir, D. Óscar Tomás Barrientos Morales, D. Raúl Varela Fraguío e D. Manuel Castro Uzal.

Non asiste á sesión o concelleiro D. Juan González Leirós.

Asiste á sesión a interventora municipal, D<sup>a</sup> Lucía Mata Rodríguez, e actúa como secretaria a secretaria xeral do Concello, D<sup>a</sup> Pilar María Pastor Novo, que dá fe do acto.

A Presidencia, tras comprobar nos termos expostos que se dá o quórum legalmente esixido polo artigo 133.1.b) do Regulamento orgánico municipal para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

## **1.- APROBACIÓN, SE PROCEDE, DO BORRADOR DA ACTA DA SESIÓN ORDINARIA DO DÍA 25 DE FEBREIRO DE 2025**

De conformidade co preceptuado nos artigos 108.2 e 133.4 do ROM, a Presidencia pregunta se existe algunha obxección ou observación á acta da sesión ordinaria celebrada en data 25 de febreiro de 2025, da que se entregou copia coa convocatoria desta sesión, e non producíndose ningunha, pola Presidencia sométese a votación ordinaria a súa aprobación, sendo aprobada por unanimidade dos/as Sres./as concelleiros/as asistentes á sesión.

Á vista do resultado da votación, declárase aprobada a acta da sesión ordinaria realizada en data 25 de febreiro de 2025.

## **2.- BOLETÍNS E CORRESPONDENCIA**

De orde da Presidencia, a secretaria xeral dá conta aos asistentes á Xunta de Goberno Local das seguintes publicacións:



- Consellería de Emprego, Comercio e Emigración, Orde de 19 de febreiro de 2025, pola que se establecen as bases reguladoras para a concesión, en réxime de concorrencia non competitiva, de subvencións para o impulso dunha Red de mercados excelentes de Galicia e a dinamización e revitalización das prazas de abastos, e se procede á súa convocatoria para o ano 2025 (código de procedemento IN223A). DOG número 41, de 28-02-2025.

- Augas de Galicia, Resolución de 17 de febreiro de 2025 pola que se aproban as bases reguladoras para a concesión, en réxime de concorrencia non competitiva, de subvencións destinadas a concellos para a instalación de sistemas de depuración autónomos no ámbito territorial da Demarcación Hidrográfica de Galicia-Costa e se convocan para o ano 2025 (código de procedemento AU300B). DOG número 41, de 28-02-2025.

### **3.- INFORME DAS RESOLUCIÓNS DITADAS POLA ALCALDÍA E CONCELLERÍAS DELEGADAS DE ÁREA DENDE A ANTERIOR XUNTA DE GOBERNO LOCAL**

A Presidencia dá conta á Xunta de Goberno Local das resolucións ditadas pola Alcaldía e concellerías delegadas de área dende as 10,08 horas do día 20 ao 27 de febreiro de 2025, que comezan coa resolución da concelleira delegada da Área de Servizos Sociais e Recursos Humanos núm. 151/2025 e rematan coa resolución da Alcaldía núm. 166/2025, segundo se relacionan a continuación:

Nº decreto	Data sinatura	Asunto
151/2025	20-02-2025	Conceder a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 3 membros, durante o tempo restante ata cumprirse o máximo de 18 meses establecido na ordenanza reguladora. Solicitante: CEER
152/2025	20-02-2025	Conceder a axuda económica de emerxencia social para alimentación básica e hixiene persoal, consistente en ata 6 vales nominativos A anuais por importe de 100 euros cada un deles, por tratarse dunha unidade familiar de 2 membros, durante o tempo restante ata cumprirse o máximo de 18 meses establecido na ordenanza reguladora. Solicitante: MEGR
153/2025	21-02-2025	Aprobar a incorporación de remanentes de crédito do exercicio 2024 número 2/2025 por importe de 2.146.710,68 euros
154/2025	21-02-2025	Convocar a sesión ordinaria da Xunta de Goberno Local o día 25 de febreiro de 2025
155/2025	21-02-2025	Delegación funcións para presidencia da Xunta de Voceiros do 21 de febreiro de 2025
156/2025	24-02-2025	Convocar sesión ordinaria do Pleno municipal para o xoves 27 de febreiro de 2025, que terá lugar no salón de sesións da casa do concello, ás 11:00 horas
157/2025	25-02-2025	Avocar a competencia delegada na Xunta de Goberno Local para adjudicar o contrato menor cuxo obxecto é a contratación dunha póliza de responsabilidade civil para o Concello de Cambre. Autorizar e dispoñer o gasto no expediente de contrato menor. Adjudicar o contrato menor á empresa MAPFRE ESPAÑA COMPAÑÍA DE SEGUROS E REASEGUROS S.A por importe de



CONCELLO DE  
CAMBRE  
R.E.L. 01150177

		12.900 euros (IVE 0%).
158/2025	25-02-2025	Comparecer no procedemento citado perante o Xulgado Contencioso-Administrativo número 4 da Coruña, exercitando este Concello o seu dereito á defensa como parte demandada, e encomendando tal defensa e representación aos letrados adscritos á Asesoría Xurídica da excma. Deputación Provincial no recurso contencioso-administrativo procedemento ordinario nº 0000034/2025, interposto por JIG contra a resolución da tesoureira municipal do Concello de Cambre, desestimatoria dos recursos interpostos contra as providencias de prema 18/2024 e 19/2024
159/2025	26-02-2025	Delegar no concelleiro don Juan González Leirós a competencia para recibir o consentimento na celebración do matrimonio de MJLD e LGS
160/2025	26-02-2025	Aprobar a lista provisional de admitidos/excluídos para a elaboración de relación de candidatos para nomeamentos de técnicos de xestión de Administración Xeral interinos. Designar os membros do tribunal cualificador deste proceso selectivo e lugar, día e hora de celebración do exercicio da fase de oposición
161/2025	26-02-2025	Ordenar a LCT que pode as polas das árbores existentes na finca sita no lugar de Folgueira, s/n, Santa María de Vigo, que invaden a vía pública, afectando as infraestruturas eléctricas, de acordo co disposto polos arts. 135 e 136 da Lei 2/2016, do 10 de febreiro do solo de Galicia e o artigo 19 da ordenanza municipal de limpeza viaria
162/2025	26/02/2025	Cesar con data 28 de febreiro de 2025 ao funcionario interino ASS pola reincorporación da titular do posto a quen substituíra, EBD, de conformidade cos artigos 23.2 b) e 24.3.d) da Lei 2/2015 do emprego público de Galicia
163/2025	27/02/2025	Autorizar EBD funcionaria de carreira do Concello de Cambre que ocupa o posto de enxeñeira técnica de obras públicas, escala Administración Especial, subescala técnica, clase técnicos medios, grupo A, subgrupo A2, nivel de complemento de destino 24, o desempeño en comisión de servizos do posto de xefe de unidade técnica de infraestruturas I, da zona centro na Coruña da Dirección de Portos de Galicia, desde o 3 de marzo de 2025 e durante o prazo máximo de un ano
166/2025	27/02/2025	Aprobar a nómina do mes de febreiro cun total retribucións brutas 342.012,90 euros

#### **4.- ASUNTOS SOBREVIDOS**

Non se tratou ningún asunto sobrevido.

#### **5.- ROGOS E PREGUNTAS**

Non se formulou ningún/ningunha.



E non existindo máis asuntos dos que tratar, a Presidencia levanta a sesión, sendo as nove horas e dous minutos do mencionado día, estendéndose para a debida constancia a presente acta, do que eu, secretaria xeral, dou fe.

Visto e praxe

A presidenta

María Dolores Pan Lesta

A secretaria xeral

Pilar María Pastor Novo